

خبرنگار محاکمه

جمعه ایرتپی

نومره ۱۰۹۳ ربيع الآخر ۹ سنه ۱۳۱۸ توز ۲۲ سنه ۱۳۱۶ صحيفه ۱۵۳۵۵

(اشبو غزنه بهر هفته جمعه ایرتپی کونلری هیقار . نه لکی در سعادت ایچونه مجیدیه بکرمی غروسه)
 (مسایله التمه غروشدر . طشه لر ایچونه اوده بسر غروسه یوسنه اهرتی ضم اولنور . بهر)
 (نسخه سی نه مجیدیه بکرمی غروسه اولور اوزره بوزیارده هریده صایلور . درج اوله جوه اعلا ناک)
 (هر برنده بر مجیدیه اهزا اولنور . نه لکه مشتری اولور استیاندلر عدلیه نظارتی داره منده لایحه جریده)
 (محاکم اداره نه مراجعت ایللمیدر .)

قسمت غیر رسمی

لایحه لر یله بالمطالعه تدقیقات تمیزیه اجرا سنه ابتدار
قلندی

اعلام مذکورک خلاصه مالی مرقوم
اغوشک برقطعه سند موجب مزبور واسیل
ذمتنده الهجینی اولان اون بر عدد لیرانک الی
سنه ک فائضیه برابر مرقومدن تحصیلی طلب
ودعوی ایتمی ولاجل المحاکمه وقوعبولان
دعوته مرقوم واسیلک اجابت ایتماسی اوزرینه
وکیل مسخر تعیینیه جریان ایدن محاکمه غایبده

ارکری سنجاغنه تابع دو قصاد قریه سننده
مقیم واسیل ولد میتروکیروایله ارکری قصبه سنک
دوتادات محله سننده مقیم اغوش یننده متکون
دعوا یه دائر ارکری بدایت محکمه سنندن ۱۲
کانون اول سنه ۳۰۸ تاریخی وقرق الی عددی
ایله ویریلان اعلام مرقوم واسیل طرفندن تمیز
ایلمکله اعلام مذکور طرفینک اعتراض وجواب

ابراز اولنان سند زیرینه موضوع امضا وکیل
مسخر جانبدن انکار ایدلش ایسه ده مذکور
امضا مدعی علیه مرقومک اولدینی اولیاده
استماع قلنان شهودک شهادتیه تحقیق ایتش
اولغله مدعابه اون بر لیرایه جدید مراجحه
نظامنامه سی احکامجه ایام ماره گذشته سی اولان
یدی لیرا قرق بر غروشک ضمیمه بالغ اولدینی
اون سکز لیرا قرق بر غروشک مرقوم واسیلدن
تحصیلنه دأر صادر اولان اعلام غیابی علیه ده
مرقوم واسیل طرفدن اعطا قلنان اعتراض
علی الحکم استدعای اوزرینه جریان ایدن
محاکمه وجاهیده معترض مرقوم دین مذکوری
اقرار ایله برابر مبلغ مذکوره محسوباً مدفوعاتی
اولدینی کبی متوفاة والده سی النی قادینک معترض
علیه مرقوم اغوشک امریله مخدومی اسحق
اقدی به یکر می لیرا اقراض ایدرک قبل الاستیفا
وفات ایتش وکندوسی مزبوره نک وارثی بولنش
اولدیندن حصه سنه اصابت ایدن اون اوچ لیرا
کسور غروشک اشبو دیندن تقاص و محسوبی
مدافعه تذکار و معترض علیه دخی مدفوعات و وقوعی
کلیاً انکار ایتش و متوفیه ایله قطع محاسبه ایدرک
برکونا بورجی قالمش اولدینی ومع مافیله
معترضک وراثتی کندوسجه مجهول اولغله

ودعوی وراثته تعلق ایتکله بوجهتک محکمه
شرعییه حواله سنی طلب ایتملری اوزرینه
خصوص مذکور صرف مواد حقوقیه دن اولغله
رؤیتی وظیفه داخلنده اولدینغه قرار ویرلدکن
و معترض مرقومک والده سی مبلغ مذکوری
معترض علیه دن الدینی بیلدیکنه دأر معترضک
تحلیفی اجرا قلندقدن صکره جریان ایدن تدقیقات
نتیجه سننده مدفوعات میاننده مرقوم اغوشک
دیگر مخدومه ویرلدیکی ادعا اولنان بش لیرا
حقنده معترض علیه مرقومک انکارینه مقارن
معترضک طلبیله امر تحلیفی اجرا قلندینی کبی
معترض علیه مرقومک مزبوره ایله قطع محاسبه
ایتدیکی حقنده کی دفع دعواسنی دخی اثبات
ایده میوب طالب تحلیف اولش ایسه ده معترض
مرقومک محسوبی طلب ایلدیکی مبلغ والده سنندن
موروث براله جق اوله رق اول امرده نبوت
وراثته متوقف بولنسنه واثبات وراثت خصوصی
ایسه محکمه شرعییه عائد اولسنه کوره طرفینک
محکمه شرعییه مراجعتله کرک ارث وکرک
اساس مطلوب حقنده کی ادعای اعلامه ربط
و محسوبی اجرا اولنق اوزره معترض مرقومک
اعتراض علی الحکم دعواسنک ردیله اعلام
غیابی مذکورک تصدیقه حکمدن و مستدعینک

اشبو حکم علیه ده لایحه سننده محرر باشلوجه
اعتراضی مرقوم اغوش ذمتنده والده سنندن
موروث الهجفی اولان مبلغک تحصیلی ویاخود
مرقوم اغوشک الهجغه تقاص و محسوبی ماده سی
محاکم نظامیه نک وظیفه سی داخلنده اولوب
بین الورثه بر مسئله اولدینی حالد محکمه شرعییه
حواله ایدلسی مغایر قانون اولدینندن بحثله
اعلامک نقضی استدعاسندن و مدعی علیه نتیجه
جوابی دخی حکم واقع موافق اصول و قانون
اولدینی بیانیه اعلامک تصدیق طلبندن عبارتدر
ایجابی مذاکره اولندقدن اعلام مذکور
مألندن اکلاشلدینی اوزره مدعی علیه واسیلک
مدعی اغوش ذمتنده والده سنندن موروث اون
اوچ لیرا کسور غروش الهجفی اولوب بونک
دخی مبلغ مدعابه محسوبی طلب ایلسی و مدعی
دخی مدعی علیه والده سنه اولان دینی اقرار ایله
بونک محکمه شرعییه ره رؤیتی لازم کله چکنی
سویلسی و محکمه نک دخی وظیفه حقنده کی اشبو
مدافعه یی رد ایلسی اوزرینه مدعی دین مذکوری
تسویه ایتدیکنی ادعا و بوصورتی اثباتدن اظهار عجز
ایله مدعی علیه بمن تکلیف ایلسی و مدعی علیه
دخی تکلیف اولنان بمنی قبول و اجرا ایلسی
اوزرینه محکمه نک اشبو موروث ایچی اساس

دیندن تقاص و محسوب ایتسی اقتضا ایدر ایکن
مدعی علیه اشبو ایچی محکمه شرعییه ده
دعوی ایتسنه قرار ویرمی مغایر قانون
اولدینندن اصول محاکمه حقوقیه قانونک ایکوز
قرق برنجی ماده سی موجبجه اعلام مذکورک
نقضنه و قانون مذکورک ایکوز قرق دردیچی
ماده سنه توفیقاً کیفیتک اصولی دأره سننده بالرؤیه
اعلامه ربطی ضمننده محکمه مذکوره به اعاده سنه
وزیرده مفرداتی مرقم اوچوز طقسان اوچ بچق
غروش مصارف تمیزیه نک ایلروده حقسنر
چقه جق طرفه عائد اولنق اوزره اول امرده
مستدعین اخذینه ۲۵ تموز سنه ۳۱۱ تاریخده
متفقاً قرار ویرلیدی .

بغدادک سوق الغزل محله سننده مقیم تجاردن
جبرائیل حنا صفر ایله بغدادک قریه باشی محله سننده
ساکن بقال الیاس بن کورکیس بینلرنده متحدث
دعویه دأر بغداد تجارت محکمه سنندن ۴ تموز
سنه ۳۱۴ تاریخی و او تو ز اوچ عددی ایله

ویریلان اعلام مرقوم حنا طرفدن تمیز اولمغله
اعلام مذکور طرفینک اعتراض وجواب
لایحه لرله بالمطالعہ تدقیقات تمیزیه اجراسنه ابتداء
قلندی

اعلام مذکورک خلاصه مالی مرقوم
الیاس مذکور حنانک اجتهسی بولندینی جبره
اصفر وشرکاسی واسطه سیله بغداده کوندردیکی
اون اوچ صندوق بقالیدن اون ایکی عددی
بالوصول قبض اولمش ایسه دروننده پیر
وسیه خاویار بولنان بر عددی هنوز کلدیکندن
قیمتی اولان یکریمی ایکی لیرای عثمانینک مومی الیه
حنا اصفر افندیدن تحصیلنی طلب ودعوی
وبرقطعه حمله سندی ابراز واعطای اتمی
ومدعی علیه حنا اصفرک اخیراً تعیین قلنان کونده
اجابت ایتماسی اوزرینه وکیل مسخر تعیینله غیاباً
اجرا قلنان محاکمه وتدقیقات نتیجه سنده اذراق
مدعیهای مذکور قومپانیانک بغداده قدر ایصاله
مجبور اولدینی مبرز تحمیلیه سندیله واثای راهده
اشیای مذکوره نک اصفر قومپانیه سی واپورلری
طرفدن قبض ایلدیک قومیانیانک بغداد
اجتهسی بولنان مومی الیه حنا اصفر افندیکنک
اخذ ایلدیک نولی مشعر تحمیلیه سندینک

ظهرینه یازدینی شرح ایله ثابت اولوب سالف
الذکر صندوق ظهور ایتمدیک بغداد رسومات
مدیریتدن کان جوابدن اکلاشلش اولدیفندن
مذکور خاویار وپینک امانی اولان یکریمی ایکی
لیرانک مع قانض مومی الیه حنا اصفردن تحصیلنه
حکمدن واشبو حکم علیهنده مستدعی تمیز حنا
اصفرک باشلوچه اعتراضی دعوی واقعہ کندی
شخصه عائد اولیوب اصفر شرکته عائد اولدینی
وشکمهیه کوندردیکی حنا افندی کندی وکیلی
ایکن اصفر شرکتنک وکیلی کی عد ایلدسی
مخالف قانون اولدیفندن بحمله اعلامک نقضی
استدعاسندن ومدعی علیک نتیجه جوابی دخی
اعتراضات مسروده نک واهی وبی اساس اولدینی
بیانیه ردی واعلام مذکورک تصدیق طلبندن
عبارتدر

ایجابی لدی المذاکره اعلام مذکور
مطالعہ سندن مستبان اولدینی اوزره مبلغ مدعیانک
شرکتدن تحصیلنی مدعی ادعا ایتمکده اولسنه
واساس دعوی دخی شرکت علیهنه بولمنسه
نظراً حکمهجه شرکت مذکوره اموالندن اولق
اوزره تحصیلنه حکم ویرلمک لازم کلور ایکن
خلاف قانون اولهرق جبره اصفر وشرکاسی
اجتهسی حنانک شخصندن تحصیلنه حکم ویرلمی

اعلام مذکور طرفینک اعتراض وجواب
لایحه لرله بالمطالعہ تدقیقات تمیزیه اجراسنه ابتداء
اولدی

اعلام مذکورک خلاصه مالی مرقوم
لوقه مزبور یورکی قالودی ذمتده برقطعه چک
بدلی اولهرق الهجفی اولان ایکینک سکسان ایکی
بحق غروشک تحصیلنی طلب ودعوی اتمسنه
قارشو مزبور یورکی قالودی دخی مدعیکنک
برادری استاوری روچهتی ذمتده یاغ بدلی
اولهرق الهجفی بولنان یدیبوز یتمش غروشی
حواله مدعیکنک قبول ایتمدیک حالده مذکور
مبلغی چک بدلنه محسوب ایتک ایستمدیک ویرن
مذکوری قبول ایلدیکنی علکساندرو ودانیال
نام کسنه لرله اثبات ایدمکنی مدافعه بیان
ایتمی اوزرینه جریان ایدن محاکمه وتدقیقات
نتیجه سنده مرقوم لوقه نک مذکور یدیبوز یتمش
غروشی قبول ایتمدیک استماع قلنان شهودک
شهادت لرله ثابت اولدیفندن مبلغ مذکورک
مجیدی یکریمی یش غروش حسابیله بالغ اولدینی
بشیوز سکسان اوچ بحق غروشک مرقوم
لوقه نک الهجفی اولان ایکینک سکسان ایکی بحق
غروشدن تزیلیله متباقی سیک درتیوز طقسان

بولسنر واصل و قانونه مخالف اولدیفندن اصول
محاکمه حقوقیه قانوننک ایکوز اونوز ایکنجی
ماددسی موجبجه اعلام مذکورک یالکیز بوتقطه دن
نقضیله قانون مزبورک ایکوز قرق دردنجی
ماده سی حکمنه توفیقاً کیفیتک اولوجهله بالرؤیه
اعلامه ربطی ضمننده محکمه مذکوره به اعاده سنه
وزیرده مفرداتی مرقم اوچیوز سکسان سکز
بحق غروش مصارف تمیزیه نک ایلروده حقمنر
حقیقه جق طرفه رجوع ایتک اوزره اول امرده
مستدعی تمیزدن اتمسنه ۲۲ کانون اول سنه ۳۱۴
تاریخنده متفقاً قرار ویرلدی .

ازمیرده کراسه جیلر چارشوسنده قرق
تدرت نومرولو مغازه ده مقیم تجارندن لوقه روچهتی
ایلله کستانه بازارنده قرق یدی نومرولی مغازه ده
مقیم تجارندن یورکی قالودی بننده محدث دعوایه
دائر ازمیر تجارت محکمه سندن ۲۱ تموز سنه
۳۱۴ تاریخنی وپوز اون اوچ عددی ایلله صادر
اولان اعلام مرقوم لوقه طرفندن تمیز اولمغله

اعاده سنه و زيرده مفرداتی مرقم اوچوز طقسان
اوج بحق غروش مصارف تمیزیه نك ایلروده
حقسنر چیه جق طرفه رجوع ایتمك اوزره
اول امرده مستدعی تمیزدن اتمسنه ۲۱ تشرین ثانی
سنه ۳۱۴ تاریخده متفقاً قرار ویرلدی .

مدللو سجاغنه تابع پولهنٔ ناحیه سنك
ویرشه قریه سی اهالیسنندن واصحاب املا کدن
استراطی زیرغو ایله قریه مذکوره اهالیسنندن
وتجاردن نبقوله خره لامیدی پیننده متكون دعوايه
دائر پولهنٔ بدایت محکمه سندن تجارت صفی و ۲۰
شباط سنه ۳۱۴ تاریخی والتمش سکز عددی ایله
ویریلان اعلام مرقوم استراطی طرفندن تمیز
ایلمکله اعلام مذکور طرفینك اعتراض وجواب
لایحه لریله بالمطالعه تدقیقات تمیزیه اجرا سنه ابتدار
قلندی

اعلام مذکورك خلاصه مالی مزبور
بقوله خره لامیدی سنك امره محرر برقطعه سنند

طقوز غروشك ۲۵ نيسان سنه ۳۱۴ تاریخندن
اعتباراً حين تأديه سنه دكين مع فائض مدعی علیه
قالودیدن تحصیلیه مرقوم لوقه روجه تی به اعطاسنه
حکمدن ومستدعی تمیزك اشبو اعلام علیهنده
لایحه سنده محرر باشلوجه اعتراضی سنده قارشو
درمیان اولنه جق دعوانك ینه سنند ویاخود
مدعی علیه اقرار ویا دفتریله اثبات اولنق
لازم کلورکن بونك خلافت اوله رق شهود شخصیه
ایله اثباتی جهته کیدلسی یولسنر ومنسایر قانون
اولدیغندن بمثلله اعلام مذکورك نقضی استدعاسندن
ومدعی علیه نتیجه جوابی دخی اعتراض
مذکورك غیروارد اولدیغی بیانیله ردی وموافق
قانون اولان اعلامك تصدیق طلبندن عبارتدر
ایجابی مذاکره اولندقدده اعلام مذکور
مندرجاتندن منفهم اولدیغی اوزره حواله حقنده
محکمه جه استماع قلنان شاهدلردن دانیال دعواي
واقعیه موافق صورتده ادای شهادت ایدمه مامش
ایکن محکمه جه قبولیه حکم ایدلسی یولسنر
ومغایر قانون اولدیغنه بناء اصول محاکمه حقوقیه
قانوننك ایکوز قرق برنجی ماده سی موجبیه
اعلام مذکورك نقضه وقانون مزبورك ایکوز
قرق دردنجی ماده سی حکمنه توفیقاً کیفیتك
بالرؤیه اعلامه ربطی ضمیمه محکمه مذکوره به

موجبیه مرقوم استراطی ذمتنده مطلوبی اولان
طقسان ایکی دستی روغن زیتك موجود ایسه
عیناً ومستهلک اولدیغی تقدیرده بهر دستسی
یکرمی بدی غروش اعتباریه قیمتی اولان ایکیک
درتیوز سکسان درت غروشك مع فائض
تحصیلی پولهنٔ بدایت محکمه سنه مراجعتله طلب
ودعوی ومذکور سندی ابراز واعطا اتمسنه
قارشو مدعی علیه مرقوم استراطی دخی مبرز
سندك حاوی اولدیغی طقسان ایکی دستی روغن
زیته محسوباً یتشم بدی دستی روغن زیت تسلیاتی
اولدیغی مدافعه درمیان ایتمش ایسده مدعینك
انکارینه قارشو اشبو ادعاسنی اصولاً اثبات
ایده میوب مدعینك تحلیفی طلب ایتمش ومدعی
دخی یمینی قبول واجرا ایتمش اولدیغنه بناء
مذکور المقدار روغن زیت موجود ایسه عیناً
ومستهلک ایسه بهر دستسی یکرمی بش غروش
اعتباریه بدی اولان ایکیک ایکوز غروشك
مدعی علیهن تحصیلیه حکمدن ومستدعی تمیز
استراطینك اشبو حکم علیهنده لایحه سنده محرر
اعتراضاتنك باشلوجه سی کندوسی اصحاب املا کدن
بولنمش اولسنه نظراً دعوانك رؤیتی حقوق محکمه سنه
عائد بولنمش ایکن تجارت صفیه باقلسی وظیفه
خارجنده اولدیغندن بمثلله اعلامك نقضی ولایحه

جوابیه مؤداسی دخی حکم واقع موافق اصول
وقانون ایدوکی بیانیله اعتراض مذکورك ردی
واعلامك تصدیق استدعاسندن عبارت بولنمشدر
ایجابی مذاکره اولندقدده اعلام مذکور
مألندن منفهم اولدیغی اوزره مدعی علیه حال
وصفته نظراً دعواي واقعنك حقوق محکمه سی
صفیه رؤیت وفصل ایدلسی لازم کلور ایکن
تجارت محکمه سی صفیه فصل وحسم ایدلسی
قانونه مغایر ومستدعی تمیزك اعتراضی دخی وارد
وموافق نفس الامر اولدیغنه بناء اصول محاکمه
حقوقیه قانوننك ایکوز اوتوز ایکنجی ماده سی
موجبیه اعلام مذکورك نقضیه قانون مذکورك
ایکیوز قرق اوچنجی ماده سی حکمنه توفیقاً
کیفیتك عائد اولدیغی حقوق محکمه سنه حواله سنه
وزیرده مفرداتی مرقم درتیوز اوج بحق غروش
مصارف تمیزیه نك ایلروده حقسنر چیه جق طرفه
رجوع ایتمك اوزره اول امرده مستدعی تمیزدن
اخذینه ۲۳ کانون ثانی سنه ۳۱۲ تاریخده متفقاً
قرار ویرلدی .

مرقوم پناينك پدری پناوردن بالاشترا باسند
عهده تملكند بولنديغنى مدافعة بيان وتذكار
ايش ايسده مزبور قسطنطى وصيبتك ملك
مطلق ومزبور مصطفى اغانك دخى ملك مورخ
ادعاسنده بولملى حسييله متوفى پناينك
منازع فيه زيتونلكى حال حياتده بروج ملكيت
تصرف ايتديكى كې بعد الوقات وارثلرنيك
تصرف ايلدكلىرى خارج بولان وصيه مزبورنك
بالينه اثبات ايتى لزومى ناطق كمرادر مبداءيت
محكمه سندن صادر اولان اعلامك عند الاستيناف
فسخيله جريان ايدن محاكمده طرفيجه سهولتى
موجب اوله جفندن بحثله كيفيتك بتكرار درجه
اولى محكمه سنده حواله اولمسنه دائر مستأف عليها
مزبور النى خاتون جانبندن وقوعبولان ادعائك
رديله دعوای مذكوره ك محكمه استينافيه جه
فصل ورؤيتى لزومى متضمن ويرلمش اولان
قرارك لاجل التميز اعلام شكلنده طرفيه تبليغى
طلب وادعا ايدلمش ايسده قرار مذكورك حكم
قطعى صدورندن اول تميزى جائز اولمديغى
بيانيله اصول محاكمه حقوقيه قانونك ايكوز
اون سكزى مادى موجبجه طلب مذكورك
دخى رد ايديله رك اساس دعوائك بالتدقيق
منازع فيه زيتونلك مرقوم مصطفى اغانك تحت

قره سى بداءيت محكمه سندن ۲۳ ايلول سنه
۳۰۸ تاريخى والى التى عددى ايله استينافاً صادر
اولان اعلامك تميزى استدعايدن ابوالق قصبه سى
اهالى سندن اولوب بك اوغلنده پوسته زقاغنده
بش نومرولى خانه ده ساكنه صغير قسطنطينك
وصى ووالده سى التى خاتون يوم معينده داريه
ورود ايدوب ميمز عليه كمرادر ميد قضاسنه تابع
قره اغاج قريه سنده مقيم حسن اوغلى كوچك
مصطفى اغا كليكندن مستدعيه مزبورنك
ايضاحات شفاهيه سيله باش مدعى عمومى
معاونلندن سعادتلو يورغا كى اقدىتك مطالعه سى
استماع قلندقدن صكره تدقيقات تميزيه اجر اسنه
ابتدار اولدى

اعلام مذكورك خلاصه مالى تحت وصايتده
بولان صغير مرقوم قسطنطينك پدرى متوفى
پنايندن انتقالاً عهده تصرفنده بولان قوه اغاج
قريه سى حدودى داخلنده مرسينك نام محله
واقع معلوم الحدود برباب زيتونلكه مزبور
كوچك مصطفى اغا جانبندن وقوعبولان مداخله ك
منى حقنده وصيسى مزبور النى خاتون جانبندن
اقامه اولان دعوايه قارشو مزبور مصطفى اغا
مذكور زيتونلكك درت سنه مقدم متوفى

تصرفنده اولديغى بداءه ابراز اولان سندله ثابت
بولمسنه بناء املاك صرفه نظامنامه سنك برنجى
ومجمله ك بيك يديوز اوتوز يدنجى ماده لرى
احكامنه توفيقاً وصى مزبور النى خاتونك رد
ادعاسنه حكمندن ومستدعى تميزك اشبو اعلام
عليهنده كى اعتراضاتك باشلوجه سى خصم
جانبندن منازع فيه زيتونلكه تصرفنى ناطق نه
بداءه ونده استينافاً بركونه سند ابراز ايدلمديكى
حاله خلاف واقع اوله رق ابراز اولنديغى
حكايه اولان مذكور سنده بنای حكم اولمسي
مغايير قانون اولديغندن بحثله اعلامك نقضى
استدعاسندن وميمز عليك لايحه سنده مندرج
نتيجه جوابى اعتراضات واقعك واهى اولديغى
بيانيله ردى وموافق قانون اولان اعلامك
تصديقي طلبندن ومعاون مومى اليك مطالعه سى
دخى دعوای واقع تحت وصايتده بولان يتيمه
عائده اولديغى حالده تحت شرعيه ابرازيله صفت
وصايت اثبات وطرفين قانون دائره سنده تشكيل
ايدلامش واعلام ابتداءينك عند الاستيناف
فسخيله دعوائك استيناف محكمه سنده رؤيته قرار
ويرلمش ايسده اولبايده اسباب موجب قانونيه
كوسترلماش وقرار مذكورك قابل تميز اولوب
اولمديغنى تعينى محكمه تميزه عائده اولوب محاكم

استينافيه ك وظائف قانونيه سى خارجنده بولمشر
واساس ماده يه كلجه خارج بولان مدعينك
ينه سنك ترجيحى احكام قانونيه اقتضاسندن
اولديغى حالده اولبايده كى ادعا مسكوت غنه
براغديغى كې قيودات رسميه ك دخى تدقيقيله
تعقيق كيفيت ايدلامش اولمسنه مبنى اعتراضات
واقعك موافق قانون اولديغى بيانندن عبارت
بولمشر

ايجابى مذاكره اولندقه اعلام مذكور
مطالعه سندن مستفاد اولديغى اوزره منازع فيه
زيتونلك صغير قسطنطينك پدرى پناينك
حال حياتده عهده تصرفنده اولديغى حالده
وفاتده وارثلرينه انتقال ايدلمديكى صغير مرقومك
وصيسى مزبور النى خاتونك اثبات ايتى
لزومنه دائر بداءه صادر اولان حكمك
عند الاستيناف فسخيله مزبور مصطفى اغانك
محل منازع فيه تصرفنى سند ايله ثابت اولديغندن
بحثله وصى مزبورنك تصرف ادعاسنك ردينه
قرار ويرلمش اولوب حالبوكه دعوای واقع
تحت وصايتده بولان يتيمه عائده ايكن حجت
شرعيه ابرازيله مزبورنك صفت وصايتى اثبات
ايتديله رك قانون دائره سنده طرفين تشكيل
ايدلامسى وبداءه مدعى بولان وصى مزبورنك

تصرف دعواسی ملک مع السبب یعنی ارث
جهتیه معطوف اولدینی حالده محکمه بدایتک
ملک مطلق دیهرک خارجک بینه سنی ترجیح قرار
ویرمی مغایر قانون اولدینی کبی اعلام ابتدائی
ذات دعوی حقند حکم قطعی بی متضمن اولدینی
جهتیه عند الاستیناف فسخ اولندقدن صکره
اساس دعوانک رؤیتی ضمننده محکمه بدایتیه
حواله مصلحت اولتمق اقتضا ایدر ایکن بدایتیه
تحت قراره النیمان اساس دعوی مذکورده نک
استینافاً فصل وحشی طرفه کیدلسیله برابر
اولباده اتخاذ اولسان قرارک قابل تمیز اولوب
اولدینک تعیین وتقیدری محکمه تمیزه عائد
وظائف جمله سندن بولنش ایکن قابل تمیز
اولدینی بیانیله قرار مذکورک اعلام شکلنده
طرفیه تبلیغ واعطاسی حقنده کی طلب وادعانک
دخی رد ایدلسی یولسر واصل وقانونه مغایر
ومعاون مومی الیهک بوجهتله متدار اولان
مطالعہ سی موافق نفس الامر بولندیقنه بناء
اصول محاکمه حقوقیه قانونک ایکوز قرق
برنجی ماده سی موجبجه اعلام مذکورک نقضیه
قانون مزبورک ایکوز قرق درنجی ماده سی
حکمنه توفیقاً کیفیتک صور مشروحہ دائره سنده
یکیدن بالرؤیه اعلامه ربطی ضمننده محکمه مرقومه یه

اعاده سنه ومستدعیه تمیز التي قادینک بی قدرت
اولمق حسبیله صورت وتبلیغ خرجلرندن معاف
طوتیلهرق زیرده مفرداتی مرقم اوچیوز یتمش
طقوز بچق غروش مصارف سائرہ نک ایلروده
حقسر چیقہ جق طرفه رجوع ایتک اوزره
اول امرده کندوسندن اخذینہ ۲۱ نیشان سنه
۳۱۰ تاریخنده متفقاً قرار ویرلدی .

چهارشنبه قصبه سنک چارشویری محله سی
مختاری قونسر اوغلی لقر و دکرز چقوری
محله سی مختاری یانی اوغلی باندن ایله چهارشنبه
قضاسنه تابع قونک قریه سی ملتزمی آراکل بینده
متکون دعوایه دائر چهارشنبه بدایت محکمه سندن
۲۸ نیشان سنه ۳۱۲ تاریخیه ویریلان اعلام
مرقوم آراکل طرفندن تمیز ایدلسکله اعلام
مذکور بالکیز مستدعینک اعتراض لایحه سیله
بالمطالعه تدقیقات تمیزیه اجراسنه ایتدار قلندی

اعلام مذکورک خلاصه مالی مرقومان

لقر وباندن اوچیوز بش سنه سنه محسوباً قزانجلو
قریه سی اعشارینی التزام ایدن خطیب زاده محمد
افندی ایله شریکی یوان اغا چارشویری و دکرز
چقوری محله لرینک اعشارینی دخی قزانجلویه تابع
ایدوب محلتین مذکورینک اعشارینی ملتزم
مومی الیه محمد افندی و شریکی طلب ایتکده
اولدینی کبی قونک قریه سنک محله مرقومه
ملتزمی بولان مرقوم آراکل دخی طلب ایتکده
اولرینه مبنی ایکی ملتزمه اعشار ویریله میجکی
بیلدیرلسی اوزرینه مومی الیه محمد افندی محلتین
مذکورین اعشاری کندوسنه عائد اولدینغی
مرقوم آراکل ادعا واثبات ایدر ایسه اعاده
ایتک اوزره کندولرینه سند ویرهرک محله لری
اعشارینی الممش وشمیدی ایسه مرقوم آراکل
محکمه یه مراجعتله محلتین مذکورین اعشارینک
کندوسنه عائد ایدوکنی اثبات ایتمش اولدینغدن
مومی الیه محمد افندی ایله شریکنک جلیبیه
فضولی الدقلری اعشارک اعاده سنه حکم اولمسی
طلب ودعوی وبرقطعه علم وخبیر ابراز واعطا
ایتمی اوزرینه مدعی علیهما وکیلی دخی مؤکلرندن
یوانک اخذ وقبضه مأذونیتی اولدینغدن مبرز
سندله خصومت توجه ایتیه جکنی مدافعه بیان
ایلمش ایسه ده اخیراً تعیین قلنان کونده نه مدعی

علیهم ونده وکیللری کلامش اولدقلرندن وکیل
مسخر تعیینیه عن الغیاب جریان ایدن محاکمه
وتدقیقات نتیجه سنده ذکر اولنان چارشویری
و دکرز چقوری محله لری قونک قریه سی داخلنده
بولندینغی مرقوم آراکل ادعا واثبات ایدر ایسه
مقبوضلری ارلان اعشاری مدعیان مرقومانه
اعاده وتسليم ایلیه جکلرینی مدعی علیهمانک مبرز
علم وخبیره تعهد ایتمش وبناء علیه مدعیان
مرقومانک سنه مرقومه اعشارندن مزبور محمد
افندی ایله شریکی یوانه تققدار تسلیماتلری
وقوعبولش ایسه مرقوم آراکلک اولمقدار ایله
مزبور محمد افندی و شریکی یوانه مراجعت ایلسنه
ومحلتین مذکورین اهاالیسنک سنه مرقومه
اعشارندن ذمتلرنده قالمش بقایا وار ایسه مرقوم
آراکلک بشقه جه اهای مرقومه علیهنده اقامه
دعواده مختار اولسنه حکمدن ومستدعینک
اشبو حکم علیهنده لایحه سنده محرر باشلوجه
اعتراضی محلتین مذکورین اهاالیسنک قوم
محصور اولوب اولمقدلری بعد التذقیق حکم
ایدک اقتضا ایدر ایکن بوراسنک نظر دفته
الخامسی مغایر قانون اولدینغدن بجمله اعلامک
نقضی استدعاسدن عبارتدر
ایجابی مذاکره اولندقدن اعلام مذکور

ماندن اكلاشلدينى اوزره دعوای واقعه ده
محلين مذکورين اهالىسى جانبدين مختارلىرى
وکیل طانيه رق اولوجهله محاکمه اجرا قلغش
ایسه ده دعوای مذکوره مذکور محله لر اهالیسینک
حبوبات رسومندن شخصی دینلری بولان مبالغه
تحصیلی خصوصندن عبارت اولسینه نظراً
مختارلرینک بلا وکالتنامه خصوصتارینک قبولیه
حکم ایدلسی مخالف قانون اولدیفندن اصول
محاکمه حقوقیه قانوننک ایکوز قرق برنجی
ماده سی موجبیه اعلام مذکورک قضیه وقانون
مزبورک ایکوز قرق دردنجی ماده سینه توفیقاً
کیفیتک اصولی دائره سنده بالرؤیه اعلامه ربطی
ضمننده محکمه مذکوره یه اعاده سینه وزیرده
مفرداتی مرقم درتیوز طقسان التی بحق غروش
مصارف تمیزیه نک ایلروده حقسز چیه جق
طرفه عائد اولمق اوزره اول امرده مستدعیدن
اخذینه ۱۶ کانون نانی سنه ۳۱۲ تاریخنده متفقاً
قرار ویرلدى .

اعلان

تحصیلدار میناسک غائب بسائی ولد بدروس
ذمتنده جهت قرضدن اله جفی اولان مبالغه
تأمین استیفاسی ایچون مرقوم بسائینک شخص
ثالث اغوب افندی ذمتنده اله جفی اولوب محکمه
قراریله تجز ایدلش اولان یوز قرق سکر عدد
عثمانی لیراسی حقنده کی حجزک تصدیقیله مبلغ
مزبورک شخص ثالث مومی الیدن وقصور التیبیک
اون التی غروشک مع گذشته ومصارف محاکمه
غائب مرقومدن بالتحصیل مدعی مرقوم میناسه
اعطاسی درسعادت بدایت محکمه سی برنجی حقوق
دائره سندن اعطاقلان ۲ ایلول سنه ۳۱۳ تاریخلی
وبشیوز اون سکر نومرولی اعلامده کوسترلش
ومرقوم بسائینک الآن غائب اولوب اقامتکاهی
مجهول بولندینی خبر ویراش اولدیفندن اجرا
قانوننک یکر می طقوزنجی ماده سینه توفیقاً اوج
ماه ظرفنده مرقوم بسائی بالذات وبالوکاله اثبات
وجود ایدلدیکی تقدیرده حکم اعلامک تنفیذ
اجراسنه ومدعی طرفندن وقوعهله جق مطالب

قانونیه نک ایفاسنه تشبث قلنه جفی درسعادت
اعلامات نظامیه اجرا دائره سندن اعلان اولنور .
۲۰ مایس سنه ۳۱۶

اقامتکاهی مجهول بولندینی جهتیه اصول محاکمه
تجارت نظامنامه سنک یکر منجی ماده سنک دردنجی
قره سی احکامنه توفیقاً تبلیغ اولغش عد اولنق
اوزره محکمه نک دیوانخانه سینه تعلیق اولدینی
کی اوراق حوادث واسطه سیله دخی اعلان
قلندی .

۱۷ ربیع الاول سنه ۳۱۸

۱ تموز سنه ۳۱۶

روسیه دولتی تبعه سندن غلطده علکسیادی
خاننده ایکی نومرولی اوطدهه مقیم قاپریل
ایساغوموفک قاضی قریه سنده خریسوورکی
زقاغنده ساکن ایکن محل مذکوردن غیوبت
ایتدیکی والیوم اقامتکاهی مجهول بولندینی محل
مذکوره وقوعه بولان تبلیغات اوزرینه تبلیغ
علم وخبری ظهرینه قریه مذکوره ارمنی ملتی
مختاری طرفدن یازیلان شرحدن اکلاشیلان
بابلیان لؤن افندی علیه درسعادت محکمه تجارتی
برنجی مجلسندن قرق طقوز عدد لیرای عثمانی
وسکر غروشک گذشته ومصارف محاکمه ایله
معاً تحصیل حکمی متضمن استحصال ایدلیکی ۲۵
مایس سنه ۳۱۶ تاریخلی و ۱۱۹ نومرولی اعلام
غیایینک برقطعه صورت مصدقه سی محکوم علیه
مومی الیه بابلیان لؤن افندینک برمنوال محرر

متوفی انستی ولد پراشکوه نک وره سی
علکسیادی خاننده مقیم دعوی وکیلی یانی ولد
انستی وبک اوغلنده ساکن ماکنیست پراشکوه
ولد انستی وپتهرک اوغلی قسطاکی زوجیه سی
ملبومه نی نام کسنه لک آصمه التنده قبور خاننده
۱۲ نومرولی اوطدهه ساکن ایکن الیوم
اقامتکاهی مجهول بولندینی خبر ویریلان سرکر
بصدرمه جیسان علیه یدی قله خارجنده فاتح
سلطان محمد محله سنده کائن برباب باغ محلندن
درسعادت ایکنجی تجارت محکمه سنده اقامه

ایلدیکی فك حجز ادعاسی بیک اوچیوز اون التي
سنه سی تموزینك اون یدنجی بازار ایرتسی کونی
ساعت التیده فصل ورؤیت اولنه جغندن یوم
ووقت مزبورده مدعی علیه مرقوم سرکیز
بصدرمه جیانك بالذات محکمه مذکورده
حاضر بولمسی ویاخود مصدق سندله بروکیل
کوندرمسی لازم کلهجکی وشاید کلز وویکل
کوندرمز ایسه حقنده معامله غیایه اجرا
اولنه جنی معلوم اولق اوزره تنظیم اولنان
دعوتیه ورقه سی محکمه نك دیوانخانه سنه تعلیق
اولندیگی کبی اوراق حوادث واسطه سیله دخی
اعلان قلندی .

۲۴ ربیع الاول سنه ۳۱۸

۸ تموز سنه ۳۱۶

درعلیه ده زیرکده حضر بک محله سنده
نومروسر خانه ده ساکنه متوفاه هرمز خانم
کریمه لری فاطمه کامله ونظیره خانم لک تبعه دولت
علیه دن اولوب اقامتگاهی مجهول بولندیگی

با عرض خحال افاده اولنان قوزمه قالفه علیه زيرك
يقوشنده حضر بک محله سنده کأن بر باب عرصه دن
طولایي در سعادت ایکنجی تجارت محکمه سنده
اقامه ایلدکری فك حجز ادعاسی بیک اوچیوز
اون التي سنه سی تموزینك یکر می دردنجی
بازار ایرتسی کونی ساعت التیده فصل ورؤیت
اولنه جغندن یوم ووقت مزبورده مدعی علیه
مرقوم قوزمه قالفه نك بالذات محکمه مذکورده
حاضر بولمسی ویاخود مصدق سندله بروکیل
کوندرمسی لازم کلهجکی وشاید کلز وویکل دخی
کوندرمز ایسه حقنده معامله غیایه اجرا
اولنه جنی معلوم اولق اوزره تنظیم اولنان
دعوتیه ورقه سی محکمه نك دیوانخانه سنه تعلیق
اولندیگی کبی اوراق حوادث واسطه سیله دخی
اعلان قلندی .

۲۸ ربیع الاول سنه ۳۱۸

۱۲ تموز سنه ۳۱۶

۳ تموز سنه ۳۱۶

بریکلی استیفانك اليوم اقامتگاهی مجهول
اووردی نظرت افندی ذمتنده محکوم به اله جنی
اولان یدیک غروشك تحصیلی حقنده بک اوغلی
بدایت محکمه سی برنجی حقوق دأره سندن صادر
اولان ۲۰ کانون اول سنه ۳۱۵ تاریخلی اعلامك
اجراسی داین مرقومك طلب واستدعاسی
اوزرینه اولبایده تنظیم قلنان اخبار نامه محکمه
دیوانخانه سنه تعلیق ایلدش اولدیغندن اجرا
قانوننك یکر می طقوزنجی ماده سی موجب تاریخ
اعلانن اعتباراً طقسان برکون طرفنده اثبات
وجود ایتسی ویاخود طرفندن بر مصدق وکیل
کوندرمسی وعکسی حالنده معامله قانونیه اجرا
اولنه جنی بک اوغلی اجرا مأموریتی جانبندن
اعلان اولتور .

۱۷ تموز سنه ۳۱۶

اعمی حافظ حسن افندیك با اعلام نظامی
عبد الباقي افندی ذمتنده محکوم به اله جنی اولان
مبالغك تأمین استیفاسی ایچون مدیون مومی الیهك
جندی احمد اغدن انتقالاً موقوف اولوب
فروخته بالرضا موافقت ایلدیگی زنجیری قیو
قربنده عتیق علی پاشا محله سنده سودجی زقاغنده
واقع تخمیناً یوز طقسان طقوز آرشون عرصه
اوزرینه مبنی اوج اوطه وبر مطخ وبر مقدار
بانجه بی حاوی بش نومرولی بر باب خانه ده کی نصف
حصه شایعه سنك حجزاً فروختی قرارلشدیرلش
اولوب اخیراً مومی الیهك غیبوت ایلدیگی
وکنندوسنك اقامتگاهی مجهول ایدوکی خبر
ویرلش اولدیغندن اجرا قانوننك یکر می
طقوزنجی ماده سی موجب طقسان برکون
طرفنده مدیون مومی الیه طرفندن اثبات وجود
ایلدیکی تقدیرده حکم اعلامك تنفیذ اجراسی
ضمننده مذکور نصف حصه نك علی الاصول
امر مزایده سنك اجرا وداین طرفندن وقوع
بوله جق مطالب قانونیه تماماً ایضا قلنه جنی
در سعادت اعلامات نظامیه اجرا دأره سندن
اعلان اولتور .

۳ تموز سنه ۳۱۶

ترزی قره بت ورثه سی سرویه نك با اعلام
 نظامی سبوح و سبحانی ذماترنده جهت کفالتدن
 الهجنی اولان مبالغت تأمین استیفاسیچون مدیون
 مرقومانك یدرلری نیغوص ووالده لری مقروهیدن
 انتقال ایلان اسکدارده بازارباشی محله سنده واقع
 یوز طقسان یدی آرشوندن عبارت التمش ایکی
 نومرولی برقطعه عرصه ده التي حصه اعتباریله
 متصرف اولدقلری ایکیشمر حصه لری بلمزایده
 لیرا یوز غروش حسابیله بیک غروشه طالبی
 عهده سنده تقرر ایدرك موقتاً قرار داده سی
 کشیده قلمش اولدیغندن یوزده بش ضم ایله
 طالب اولانلرك یوزده اون پی اچقه لریله برابر
 اوتوز برکون ظرفنده در سعادت اعلامات نظامیه
 اجرا دأره سنه مراجعت ایللری اعلان اولنور .
 ۱۱ حزیران سنه ۳۱۶

۱۱ حزیران سنه ۳۱۶

عایشه خانمك علی اغا ذمتنده با اعلام
 محکوم به الهجنی اولان معلوم المقدار مبالغت تأمین
 استیفاسی ضمننده مدیون مرقومك متصرف اولدیغی
 درت رأس صاغیلوردیشی مانده اوچ رأس صاغیلور
 اینك وبررأس بوزاغه داینه نك طلب واستدعای
 اوزرینه بك اوغلی بدایت محکمه سی ریاست اولیسی
 جانبندن اعطایوریلان قراره توفیقاً سائف الذکر
 سکز رأس حیوانلر تحت حجزه التمش اولمغله اشبو
 تموزك یکرمنجی نیمشینه کونی ساعت اوچ
 قرارلرنده محجوز حیواناتك فاتح جوارنده اسب
 بازارنده بلمزایده فروخته تشبث اولنهجنی
 بك اوغلی اجرا دأره سندن اعلان اولنور .

۱۷ تموز سنه ۳۱۶